

Blom Fiskeoppdrett AS

5337 RONG

Dato: 07.06.2016

Vår ref.: 2016/5206-3

Saksbehandlar: Endre Korsøen

Telefon: 917 64 632

## H-ØN-36 Blom Fiskeoppdrett AS org. nr. 840215512 - Mellombels løyve til å etablere anlegg for oppdrett av matfisk av laks og aure til visningsformål på lokalitet 11652 Kjeppvikholmen i Meland kommune

Vi syner til Dykkar søknad av 25.05.2016.

### Vedtak

Hordaland fylkeskommune gjev med dette Blom Fiskeoppdrett AS org. nr. 840215512, akvakulturløyve med reg. nr. H-ØN-36, mellombels løyve til å etablere flytande akvakulturanlegg for oppdrett av matfisk av laks (*Salmo salar*) aure (*Salmo trutta*) og regnbogeaure (*Oncorhynchus mykiss*) til visningsformål i sjø på følgjande lokalitet i Meland kommune i Hordaland fylke:

Nr	Lokalitet	Kommune	Lokalitetsbiomasse	Anleggets midtpunkt Euref89/WGS84	Samlokalisering
11652	Kjeppvikholmen	Meland	2340 tonn	60° 32.570' N 05° 02.268' E	H-L-19, H-ML-1, H-R-8, H-ØN-4 og H-ØN-36
Anlegget er godkjent med følgjande hjørnepunkter-kartreferansar oppgjeve i Euref-89/WGS84					
1	2	3	4	5	6
60° 32.553' N 5° 02.437' E	60° 32.508' N 5° 02.378' E	60° 32.592' N 5° 02.093' E	60° 32.637' N 5° 02.155' E	60° 32.621' N 5° 02.318' E	60° 32.612' N 5° 02.346' E

Lokalitet 11652 Kjeppvikholmen er godkjent for løyva H-L-19, H-ML-1, H-R-8 og H-ØN-4. Kvar av desse løyva omfattar ei maksimal tillaten biomasse (MTB) på 780 tonn. Løyvet med reg.nr. H-ØN-36 er eit løyve for oppdrett av matfisk av laks og aure til visningsformål og er avgrensa til 500 tonn MTB. For nærmare oversikt over kva lokalitetar som er godkjent for dei einskilde løyva, viser vi til akvakulturregisteret.

Lokalitetsbiomassen skal ikkje på noko tidspunkt overskride 2340 tonn MTB.

Løyve på lokaliteten er tidsavgrensa fram til og med 28.02.2018, med mogleg forlenging om MOM-undersøkingane syner at det er forsvarleg og at drifta på lokaliteten er innafor bæreevna.

### Lovheime

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetildelingsforskrifta). Dette løyvet etter akvakulturlova inkluderer løyve etter matlova, forureiningslova og hamne- og farvannslova.

### Særskilde vilkår for visningsløyve H-ØN-36

Hordaland fylkeskommune viser til vedtak frå Fiskeridirektoratet av 21.05.2016 om godkjenning av lokalitetane 11667 Gardskråneset, 11652 Kjeppvikholmen og 10080 Laksevika som visningslokalitetar. Fiskeridirektoratet gjev på nærare vilkår tilsegn om at lokalitetane kan verte klarert for visningsløyvet H-ØN-36:

- Fiskeridirektoratet set føre at visningsopplegget til Blom Fiskeoppdrett vert ført vidare med same, eller auka, kvalitet og omfang som tidlegare.
- Fiskeridirektoratet set føre at Hordaland fylkeskommune klarerer lokalitetane 11667 Gardskråneset, 11652 Kjeppvikholmen og 10080 Laksevika for løyvet H-ØN-36. Om lokalitetane ikkje vert klarert for løyvet, fell tilsegnet gitt i dette vedtaket bort utan vidare varsel. Søker må i eit slikt tilfelle fremje ny søknad om nye lokalitetar til Fiskeridirektoratet, Kyst- og havbruksavdelinga.
- Løyvet H-ØN-36 kan verte trekt attende om vilkåra satt i dette tilsegnet ikkje vert etterlevde, eller om drifta viser seg å vere i strid med føresetnadane for løyvet eller i strid med laksetildelingsforskrifta.
- Løyvet kan ikkje verte brukt på andre lokalitetar enn dei lokalitetane som er nemnde her utan nytt løyve frå Fiskeridirektoratet.
- Det er ikkje høve til å avvise å frakte publikum ut til lokalitetane med den grunngjeving at det ikkje er lønsamt med få gjester.
- Fiskeridirektoratet set føre at det for transport til visningslokalitetane vert nytta eit slikt eigna farty som nemnd i søknaden, og som er med å gjøre visningsopplegget tilrettelagt for publikum

### Grunngjeving

Blom Fiskeoppdrett AS søkte 25.05.2016 om løyve til samlokalisering av visningsløyve, H-ØN-36, med verksemda sine kommersielle matfiskløyve for oppdrett av laks og aure på lokalitet 11652 Kjeppvikholmen i Meland kommune.

Søknaden gjeld klarering av lokalitet 11652 Kjeppvikholmen for akvakulturløyve, H-ØN-36, utan endring i lokalitetsbiomasse eller endring av arealbruk. Lokaliteten er godkjent for ein lokalitetsbiomasse på 2340 tonn.

Bakgrunnen for søknaden er at visningsløyvet H-ØN-36 per i dag er knytt til lokaliteten 14435 Ljøsøy i Øygarden kommune.

Lokaliteten Ljøsøy er underlagt soneforskrift og føresegner frå fiskehelsenettverket. På grunn av krav om brakklegging av Ljøsøy og endra produksjonssyklusar som følgje av omlegging til produksjon med større smolt, risikerer Blom Fiskeoppdrett AS at Ljøsøy kan verte lagt brakk i opp til 11 månader.

Det vert sett ut fisk på lokalitetane i Øygarden (Ljøsøy og Gardskråneset) og i Herdlefjorden (Kjeppvikholmen og Laksevika) kvart anna år. Samstundes vert det sett ut fisk av ulik storleik, slik at lokalitetane med likt utsett ikkje vert slakta ut på same tid. Dette vert viktigare når ein går meir og meir over til å sette ut stor smolt.

Blom Fiskeoppdrett AS ynskjer å nytte lokalitetane Laksevika og Kjeppvikholmen i Herdlefjorden til visning når det ikkje er fisk på Ljøsøy eller Gardskråneset i Øygarden. Blom Fiskeoppdrett AS samarbeider med Kystmuseet i Øygarden om visningsopplegget. I 2015 vart det opna ei ny heildigital akvakulturutstilling i Kystmuseets lokale. Kystmuseet driv visningsopplegget på land, medan Blom Fiskeoppdrett AS driv visningsopplegget på sjø. Visning på lokaliteten Ljøsøy skjer med utgangspunkt frå Kystmuseet.

Gardskråneset ligg i same produksjonssone som Ljøsøy, i Hjeltefjorden, i Øygarden kommune, 5 til 10 minutt sør for Kystmuseet. Dette er nokre minutt seilas lengre sør enn Ljøsøy. Lokaliteten har 7 120 meters plastringar med gangbane. Det er ein Backer 400 fôrflåte toalett og opphaldsrom, på lokaliteten. Laksevika er utstyrt med eit stålanlegg med stålflåte. På Kjeppvikholmen er det i 2016 lagt ut nye 160 meters plastringar med gangbane og ny stålflåte. Verksemda meiner lokalitetane har gode fasilitetar for visning.

Blom Fiskeoppdrett AS ser føre seg å nytte lokalitetane i Herdlefjorden når det ikkje er fisk å vise frem i Øygarden. Dette vil i praksis skje kvar anna haust. Samstundes ønskjer Blom Fiskeoppdrett AS å ha to lokalitetar i kvar kommune fordi det er fisk av ulik storleik på lokalitetane.

For transport til lokalitetane i Meland kommune vil verksemda nytte ein større, lukka båt som er eigna til å transportere publikum i dei om lag 20 minutta turen vil ta. Blom Fiskeoppdrett AS reknar med ein fart på om lag 30 knop.

Blom Fiskeoppdrett AS har gode erfaringar med å ta publikum med på båttur, då dette verker å vere vel så viktig for publikum som å sjå stor fisk.

Avslutningsvis i søknaden peiker søkjar på at det er naudsynt for dei å drive visningsløyvet heile året for å finansiere det visningsopplegget som dei driv per i dag.

#### Hordaland fylkeskommune si vurdering

Då lokalitetane er tidlegare godkjent, jf, lokalitetsklarering av 22.10.2015, og det ikkje er søkt om endring i bruk av areal eller biomasse er ikkje søknaden send til Fylkesmannen, Mattilsynet, Kystverket Vest, Fiskeridirektoratet Region Vest eller Meland kommune for handsaming.

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som nemnd i § 30 i laksetildelingsforskrifta som seier at lokalitet for akvakultur kan klarerast dersom:

- a) *det er miljømessig forsvarlig;*
- b) *det er foretatt en avveining av arealinteresser, med særlig vekt på*
  1. *søkers behov for areal til planlagt akvakultur,*
  2. *alternativ bruk av området til annen akvakultur,*
  3. *annen bruk av området, og*
  4. *verneinteresser som ikke omfattes av bokstav d.*
- c) *det er gitt tillatelser som kreves etter*
  1. *lov 19. desember 2003 nr. 124 om matproduksjon og mattrygghet mv.,*
  2. *lov 13. mars 1981 nr. 6 om vern mot forurensninger og om avfall,*
  3. *lov 17. april 2009 nr. 19 om havner og farvann.*
- d) *det ikke er i strid med*
  1. *vedtatte arealplaner etter plan- og bygningsloven 14. juni 1985 nr. 77,*
  2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
  3. *vedtatte vernetiltak etter lov 9. juni 1978 nr. 50 om kulturminner.*

og kome fram til at tiltaket ikkje kjem i konflikt med reglane i forskrifta.

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 - 12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta §30a. Søknaden har på vanleg måte etter reglane i akvakulturlova vore til handsaming hjå kommunen og sektorstyresmaktene, og det er ikkje kome opplysningar om at saka ikkje er tilstrekkeleg opplyst i høve til

oppdrettsanlegget si påverknad på naturmangfaldet. Hordaland fylkeskommune vurderer derfor at kunnskapsgrunnlaget er tilstrekkeleg til å fatte eit vedtak og at det omsøkte tiltaket ikkje har ein irreversibel påverknad på naturmangfaldet. Den samla belastninga på naturmiljøet i Herdlefjorden blir uendra.

Etter ei samla vurdering har Hordaland fylkeskommune gjeve Blom Fiskeoppdrett AS org. nr. 840215512 med akvakulturløyve reg. nr. H-ØN-36, mellombels løyve til å etablere flytande akvakulturanlegg for oppdrett av matfisk av laks (*Salmo salar*) aure (*Salmo trutta*) og regnbogeaure (*Oncorhynchus mykiss*), til visningsformål på lokalitet 11652 Kjeppvikholmen i Meland kommune på nærmare vilkår.

### Generelle vilkår

Løyve vert gjeve under føresetnad av at etablering, drift og eventuelt avvikling vert gjennomført i samsvar med gjeldande lovverk, forskrifter og vilkår.

Lokaliteten skal etablerast i samsvar med vedlagte kart. Dersom De ønskjer å endra anlegget i høve til dette løyvet, må det sendast søknad om dette til Hordaland fylkeskommune.

Løyve etter Akvakulturlova inneberer at det er gjeve eit offentleg rettsleg løyve inkludert løyve etter matlov, forureiningslova og hamne- og farvannslova.

Løyvet vert gjeve utan ansvar med omsyn til nabo-, eigedoms- eller andre privatrettslege tilhøve. Dette løyvet frittek Dykk ikkje frå plikt til å innhenta naudsynt løyve etter andre lover, eller plikt til å retta Dykk etter reglar og påbod som vert gjeve med heimel i slike lover.

Løyve kan trekkjast attende eller anlegget kan verte kravd redusert dersom tilhøva skulle tilseie dette.

### Pliktar

Som konsesjonsinnehavar har De plikt til å sette Dykk inn i det regelverket som gjeld for løyver etter akvakulturlova. Akvakulturlova med tilhøyrande forskrifter er tilgjengeleg på [www.lovdata.no](http://www.lovdata.no).

De pliktar å gje representantar frå Fiskeridirektoratet, Fylkesmannen, Kystverket og Mattilsyn tilgang til gransking av og opplysningar om anlegget.

Kopi av dette løyvet med vedlegg skal oppbevarast tilgjengeleg for alle tilsette på anlegget, og også slik at løyvet kan synast til alle som har kontrollrett.

### Vedlegg

Uttale frå Fylkesmannen i Hordaland 01.10.2015, Mattilsynet, Region Sør og Vest 29.07.2015, Kystverket Vest 17.08.2015 og Fiskeridirektoratet, Kyst- og havbruksavdelinga 21.05.2016, samt kart med godkjent plassering av anlegget og klageskjema fylgjer vedlagt.

### Klage

Vedtaket kan påklagast. Sjå om dette i vedlagde orientering. Ei eventuell klage skal framsettast til Hordaland fylkeskommune, sjølv om klaga gjeld vedtak fatta av Fylkesmannen, Mattilsynet eller Kystverket.

I medhald av forvaltningslova sin §27b vert det sett som vilkår for å gå til søksmål at ein har nytta høvet til å klaga. Ein gjer merksam på at eventuell klage ikkje fører til at iverksetjing av vedtaket vert utsett. Det er likevel høve til å søkje om at iverksetjing blir utsett til klagesaka er avgjort.

Bård Sandal  
fylkesdirektør regional utvikling

Sølve Sondbø  
seksjonssjef

*Brevet er godkjent elektronisk og har derfor inga underskrift.*


Kopi:

Fiskeridirektoratet Region Vest  
Fylkesmannen i Hordaland, miljøvern- og klimaavdelinga  
Mattilsynet Region Sør og Vest  
Kystverket Vest  
Meland kommune

# H-L-19, H-ML-1, H-R-8, H-ØN-4 og H-ØN-36 Blom Fiskeoppdrett AS Lokalitet 11652 Kjeppvikholmen



# 11652 Kjeppvikholmen - Klarerte ytterpunkt




**Målestokk: 1:10 000**

Hordaland fylkeskommune

Agnes Mowinckels gate 5  
PB 7900  
5020 Bergen

Tlf: 55 23 90 00  
e-post: [hfk@hfk.no](mailto:hfk@hfk.no)  
[www.hordaland.no](http://www.hordaland.no)

Foretaksnr. NO 938 626 367 mva.  
Kontonr. [xxxx xx xxxxxx]



02	-	JRL	-
01	NV JAROU	JRL	-
	kv	side	
<b>BLOM FISKEOPPRETT AS</b> Kjøppvikholmen, Meland kommune Oppdrettsanlegg Olex bunntopografi / toporaster			
Opprettet av: BLOM FISKEOPPRETT AS Tegnende: JRL		Oppdrettsanlegg: Ingve K. Sørensen Tullak, Torgeir Joste Rikvold, Løpez	
Skala: A3 - 1 : 7 500 Tegningsnavn: BLOM FISKEOPPRETT AS		Prosjekt: 1027 A 103 Tegning: 1	
BLOM FISKEOPPRETT AS  AKVASAFTE AS			




## Fortøyingsposisjonar - anlegg

Punkt/Line	START		SLUTT	
	Breddegr.	Lengdegr.	Breddegr.	Lengdegr.
Strømmåler 1	60°32,611	05°02,273		
Strømmåler 2	-	-		
Midtpunkt	60°32,570	05°02,268		
NV	60°32,637	05°02,155		
NØ	60°32,553	05°02,437		
SØ	60°32,508	05°02,378		
SV	60°32,592	05°02,093		
N1	60°32,637	05°02,155	60°32,749	05°02,295
N2	60°32,637	05°02,155	60°32,744	05°02,311
N3	60°32,609	05°02,249	60°32,809	05°02,512
N4	60°32,581	05°02,342	60°32,804	05°02,642
N5	60°32,553	05°02,437	60°32,700	05°02,639
Ø1	60°32,553	05°02,437	60°32,476	05°02,895
Ø2	60°32,508	05°02,378	60°32,342	05°02,664
S1	60°32,508	05°02,378	60°32,356	05°02,178
S2	60°32,536	05°02,282	60°32,393	05°02,084
S3	60°32,564	05°02,188	60°32,425	05°01,998
S4	60°32,592	05°02,093	60°32,452	05°01,907
V1	60°32,592	05°02,093	60°32,724	05°01,677
V2	60°32,637	05°02,155	60°32,759	05°01,738

## Fortøyingsposisjonar - flåte

Punkt/Line	START		SLUTT	
	Breddegr.	Lengdegr.	Breddegr.	Lengdegr.
Midtpunkt	60°32,613	05°02,327		
NV	60°32,621	05°02,318		
NØ	60°32,612	05°02,346		
SØ	60°32,605	05°02,335		
SV	60°32,614	05°02,308		
F.N1	60°32,621	05°02,318	60°32,797	05°02,543
F.N2	60°32,612	05°02,346	60°32,794	05°02,583
F.Ø1	60°32,612	05°02,346	60°32,579	05°02,544
F.Ø2	60°32,605	05°02,335	60°32,463	05°02,620
F.S1	60°32,605	05°02,335	60°32,346	05°02,223
F.S2	60°32,614	05°02,308	60°32,457	05°01,874
F.V1	60°32,614	05°02,308	60°32,724	05°01,677
F.V2	60°32,621	05°02,318	60°32,759	05°01,738



1	Ny layout	JRL
Kon	Gulder	
BLOM FISKEOPPRETT AS Kjeppvikholmen, Meland kommune Oppdrøtsanlegg m/fortøyning ANLEGGSSKISSE		
Utgjort av BLOM FISKEOPPRETT AS Oppdrøtsanlegg		Dato: 23.04.2016 Type: sjø 26.03.2015 JRL Oppdrøtsanlegg Ingvor Karlisen Josee Ricardo Lopez
Hordaland fylkeskommune BLOM FISKEOPPRETT AS		Skala: 1:3.000 Prosjekt: 1027 A 104 1

<b>(1) Sendar (stemplet til forvaltningsorganet)</b> <b>Hordaland fylkeskommune</b> <b>Agnes Mowinckels gate 5</b> <b>PB 7900</b> <b>5020 BERGEN</b>	<b>Melding om rett til å klage over forvaltningsvedtak</b> (Forvaltningslova § 27 tredje leddet)  Dato: 07.06.2016
<b>(3) Mottakar (namn og adresse)</b>  <b>Blom Fiskeoppdrett AS</b> <b>5337 Rong</b>	<b>(4) Klageinstans</b>  <b>Fiskeridirektoratet, Kyst- og havbruksavdelinga</b> <b>Postboks185 Sentrum</b> <b>5804 BERGEN</b>
<b>Denne meldinga gjev viktige opplysningar dersom De vil klage på eit vedtak De er gjort kjend med.</b>	
<b>Klagerett</b>	De har rett til å klage på vedtaket.
<b>ven kan De klage til?</b>	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).
<b>Klagefrist</b>	Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.
<b>Rett til å krevjegrunggeving</b>	Dersom De meiner at vi ikkje har grunngjeve vedtaket, kan De krevje ei slik grunngjeving før fristen går ut. Ny klagefrist blir då rekna frå den dagen De får grunngjevinga.
<b>Innhaldet i klaga</b>	De må presisere <ul style="list-style-type: none"> <li>- kva for eit vedtak De klagar på</li> <li>- årsaka til at De klagar</li> <li>- den eller dei endringar De ønskjer</li> <li>- eventuelt andre opplysningar som kan ha noko å seie for vurderinga av klaga</li> </ul> Klaga må underskrivast.
<b>Utsetjing av gjennomføringa av vedtaket</b>	Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.
<b>Rett til å sjå saksdokumenta og til å krevje rettlegging</b>	Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettlegging om retten til å klage, om framgangsmåten og om reglane for saksgangen.
<b>Kostnadene med klagesaka</b>	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.
<b>Klage til Sivilombodsmannen</b>	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar	

X-0073 N (Godkj. 05-95) Elektronisk utgåve